

文档信息

宋書

076 / 100

25 段 3764 字

174 种 326 个标注

繁体中文

列傳第三十六 宋書 076 卷七十六

[標] 沈約

史部 / 正史 / 二十四史 / 宋書 / 076 卷七十六 列傳第三十六

本篇关键词

纪年

元嘉二十二年[445] 1

大明三年[459] 1

泰始二年[466] 1

元嘉九年[432] 1

地点

梁山 4

滑臺 4

林邑 3

人物

玄謨 37

脩之 24

柳元景 8

義宣 7

宗慤 5

王玄謨 4

義恭 4

少帝 4

文官

雍州刺史 5

豫州刺史 4

尚書 3

徐州刺史 3

司徒 3

武官

都督 10

寧蠻校尉 3

金紫光祿大夫 2

其他

免官 2

薨 2

中兵 1

←075 卷七十五 列傳第三十五

目錄

077 卷七十七 列傳第三十七→

0 卷七十六 列傳第三十六

1 朱脩之 宗慤 王玄謨

2 朱脩之字恭祖，義陽平氏人也。曾祖燾，晉平西將軍。祖序，豫州刺史。父謨，益州刺史。

3 脩之自州主簿遷司徒從事中郎，文帝謂曰：「卿曾祖昔為王導丞相中郎，卿今又為王弘中郎，可謂不忝爾祖矣。」後隨到彥之北伐。彥之自河南回，留脩之戍滑臺，為虜所圍，數月糧盡，將士熏鼠食之，遂陷於虜。初，脩之母聞其被圍既久，常憂之，忽一旦乳汁驚出，母號泣告家人曰：「吾今已老，忽復有乳汁，斯不祥矣。吾兒其不利乎。」後間至，脩之果以此日陷沒。

4 託跋燾嘉其守節，以為侍中，妻以宗室女。脩之潛謀南歸，妻疑之，每流涕問其意，脩之深嘉其義，竟不告也。後鮮卑馮弘稱燕王，治黃龍城，託跋燾伐之，脩之與同沒人邢懷明並從。又有徐卓者，復欲率南人竊發，事泄被誅。脩之、懷明懼奔馮弘，弘不禮。留一年，會宋使傳詔至，脩之名位素顯，傳詔見即拜之，彼國敬傳詔，謂為「天子邊人」，見其致敬於脩之，乃始加禮。時魏屢伐弘，或說弘遣脩之歸求救，遂遣之。泛海至東萊，遇猛風舵折，垂以長索，船乃復正。海師望見飛鳥，知其近岸，須臾至東萊。

5

元嘉九年^[432]，至京邑，以為黃門侍郎^文，累遷江^地夏內史^文。雍州刺史^文劉道產^文卒，群蠻大動，^{脩之}為征西司馬討蠻，失利。孝武初，為寧蠻校尉^武、雍州刺史^文，加都督^武。^{脩之}在政寬簡，士眾悅附。及荊州刺史^文南郡王^武義宣^文反，檄^{脩之}舉兵，^{脩之}偽與之同，而遣使陳誠於帝。帝嘉之，以為荊州刺史^文，加都督^武。^{義宣}聞^{脩之}不與己同，乃以魯秀^文為雍州刺史^文，擊襄陽^地。^{脩之}命斷馬鞍山道^地，秀不得前，乃退。及^{義宣}敗於梁山^地，單舟南走，^{脩之}率眾南定遺寇。時竺超民執^{義宣}，^{脩之}至，乃殺之，以功封南昌縣侯^士。

- 6 ^{脩之}治身清約，凡所贈賄，一無所受，有餉，或受之，而旋與佐吏^武賭之，終不入己，唯以撫納群蠻為務。徵為左民尚書^文，轉領軍將軍^武。去鎮，秋毫不犯，計在州然油及牛馬穀草，以私錢十六萬償之。然性儉剋少恩情，姊在鄉里，飢寒不立，^{脩之}未嘗供贍。嘗往視姊，姊欲激之，為設菜羹粗飯，^{脩之}曰：「此乃貧家好食。」致飽而去。先是，新野庾彥達為益州刺史^文，攜姊之鎮，分祿秩之半以供贍之，西土稱焉。
- 7 ^{脩之}後墜車折腳，辭尚書^文，領崇憲太僕^武，仍加特進^文、金紫光祿大夫^武。以腳疾不堪獨行，特給扶侍。卒，贈侍中^文，特進^文如故。諡貞侯。
- 8 宗慤^文字元幹，南陽^地人也。叔父炳，高尚不仕。慤年少時，炳問其志，慤曰：「願乘長風破萬里浪。」炳曰：「汝不富貴，即破我家矣。」兄泌娶妻，始入門，夜被劫，慤年十四，挺身拒賊，賊十餘人皆披散，不得入室。時天下無事，士人並以文義為業，炳素高節，諸子群從皆好學，而慤獨任氣好武，故不為鄉曲所稱。
- 9 江夏王^武義恭^文為征北將軍^武、南兗州刺史^文，慤隨鎮廣陵^地。時從兄綺為征北府主簿^文，綺嘗入直，而給吏牛泰與綺妾私通，慤殺泰，綺壯其意，不責也。
- 10 元嘉二十二年^[445]，伐林邑^地，慤自奮請行。^{義恭}舉慤有膽勇，乃除振武將軍^武，為安西參軍蕭景憲軍副，隨交州刺史^文檀和之^文圍區粟城^地。林邑^地遣將范毗沙達來救區粟，^{和之}遣偏軍拒之，為賊所敗。又遣慤，慤乃分軍為數道，偃旗潛進，討破之，拔區粟，入象浦。林邑王^士范陽^地邁傾國來拒，以具裝被象，前後無際，士卒不能當。慤曰：「吾聞師子威服百獸。」乃製其形，與象相禦，象果驚奔，眾因潰散，遂克林邑^地。收其異寶雜物，不可勝計。慤一無所取，衣櫛蕭然。^{文帝}甚嘉之。
- 11 後為隨郡太守^文，雍州^地蠻屢為寇，建威將軍^武沈慶之^文率慤及柳元景^文等諸將，分道攻之，群蠻大潰。又南新郡蠻帥田彥生率部曲反叛，焚燒郡城，屯據白楊山^地，^{元景}攻之未能下，慤率其所領先登，眾軍隨之，群蠻由是畏服。
- 12 三十年，孝武伐元凶，以慤為南中郎^文諮議參軍^武，領中兵^武。孝武即位，以為左衛將軍^武，封洮陽侯^士，功次^{柳元景}。孝建中，累遷豫州刺史^文，監五州諸軍事^文。先是，鄉人庾業，家甚富豪，方丈之膳，以待賓客，而慤至，設以菜菹粟飯，謂客曰：「宗軍人，慣噉粗食。」慤致飽而去。至是業為慤長史^文，帶梁郡，慤待之甚厚，不以前事為嫌。
- 13 大明三年^[459]，竟陵王^士誕據廣陵^地反，慤表求赴討，乘驛詣都，面受節度^文，上停輿慰勉，慤聳躍數十，左右顧盼，上壯之。及行，隸車騎大將軍^武沈慶之^文。初，誕誑其眾云：「宗慤^文助我。」及慤至，躍馬繞城呼曰：「我宗慤^文也。」事平，入為左衛將軍^武。五年，從獵墮馬，腳折不堪朝直，以為光祿大夫^武，加金紫。慤有佳牛堪進御，官買不肯賣，坐免官^士。明年，復職。廢帝^士即位，為寧蠻校尉^武、雍州刺史^文，加都督^武。卒，贈征西將軍^武，諡曰肅侯^武。泰始二年^[466]，詔以慤配食孝武廟。子羅雲，卒，子元^文寶嗣。

王玄謨字彥德，太原祁人也。六世祖宏，河東太守，綿竹侯，以從叔司徒允之難，棄官北居新興，仍為新興、鴈門太守，其自敘云爾。祖牢，仕慕容氏為上谷太守，陷慕容德，居青州。父秀，早卒。

- 15 玄謨幼而不群，世父蕤有知人鑒，常笑曰：「此兒氣概高亮，有太尉彥雲之風。」武帝臨徐州，辟為從事史，與語異之。少帝末，謝晦為荊州，請為南蠻行參軍、武寧太守。晦敗，以非大帥見原。元嘉中，補長沙王義欣鎮軍中兵參軍，領汝陰太守。
- 16 時虜攻陷滑臺，執朱脩之以歸。玄謨上疏曰：「王途始開，隨復淪塞，非惟天時，抑亦人事。虎牢、滑臺，豈惟將之不良，抑亦本之不固。本之不固，皆由民憚遠役。臣請以西陽之魯陽，襄陽之南鄉，發甲卒，分為兩道，直趣淆、澗，征士無遠徭之思，吏士有屢休之歌。若欲以東國之眾，經營牢、洛，道途既遠，獨克實難。」玄謨每陳北侵之策，上謂殷景仁曰：「聞王玄謨陳說，使人有封狼居胥意。」後為興安侯義賓輔國司馬、彭城太守。義賓薨，玄謨上表，以彭城要兼水陸，請以皇子撫臨州事，乃以孝武出鎮。
- 17 及大舉北征，以玄謨為寧朔將軍，前鋒入河，受輔國將軍蕭斌節度。玄謨向碣磳，戍主奔走，遂圍滑臺，積旬不克。虜主託跋燾率大眾號百萬，鞞鼓之聲，震動天地。玄謨軍眾亦盛，器械甚精，而玄謨專依所見，多行殺戮。初圍城，城內多茅屋，眾求以火箭燒之，玄謨恐損亡軍實，不從。城中即撤壞之，空地以為窟室。及魏救將至，眾請發車為營，又不從，將士多離怨。又營貨利，一匹布責人八百梨，以此倍失人心。及託跋燾軍至，乃奔退，麾下散亡略盡。蕭斌將斬之，沈慶之固諫曰：「佛狸威震天下，控弦百萬，豈玄謨所能當。且殺戰將以自弱，非良計也。」斌乃止。初，玄謨始將見殺，夢人告曰：「誦觀音經千遍，則免。」既覺，誦之得千遍，明日將刑，誦之不輟，忽傳呼停刑。遣代守碣磳，江夏王義恭為征討都督，以為碣磳不可守，召令還，為魏軍所迫，大破之，流矢中臂。二十八年正月，還至歷城，義恭與玄謨書曰：「聞因敗為成，臂上金瘡，得非金印之徵也。」
- 18 元凶弒立，玄謨為冀州刺史。孝武伐逆，玄謨遣濟南太守垣護之將兵赴義。事平，除徐州刺史，加都督。及南郡王義宣與江州刺史臧質反，朝廷假玄謨輔國將軍，拜豫州刺史，與柳元景南討，軍屯梁山，夾岸築偃月壘，水陸待之。義宣遣劉湛之就臧質，陳軍城南，玄謨留老弱守城，悉精兵接戰，賊遂大潰。加都督、前將軍，封曲江縣侯。中軍司馬劉沖之白孝武，言：「玄謨在梁山，與義宣通謀。」上意不能明，使有司奏玄謨多取寶貨，虛張戰簿，與徐州刺史垣護之並免官。
- 19 尋復為豫州刺史。淮上亡命司馬黑石推立夏侯方進為主，改姓李名弘，以惑眾，玄謨討斬之。遷寧蠻校尉、雍州刺史，加都督。雍土多僑寓，玄謨請土斷流民，當時百姓不願屬籍，罷之。其年，玄謨又令九品以上租，使貧富相通，境內莫不嗟怨。民間訛言玄謨欲反，時柳元景當權，元景弟僧景為新城太守，以元景之勢，制令南陽、順陽、上庸、新城諸郡並發兵討玄謨。玄謨令內外晏然，以解眾惑，馳啟孝武，具陳本末。帝知其虛，馳遣主書吳喜公撫慰之，又答曰：「梁山風塵，初不介意，君臣之際，過足相保，聊復為笑，伸卿眉頭。」玄謨性嚴，未嘗妄笑，時人言玄謨眉頭未曾伸，故帝以此戲之。後為金紫光祿大夫，領太常。及建明堂，以本官領起部尚書，又領北選。

孝武狎侮群臣，隨其狀貌，各有比類，多鬚者謂之羊。**顏師伯**缺齒，號之曰齕。**劉秀之**儉吝，呼為老慳。**黃門侍郎****宗靈秀**體肥，拜起不便，每至集會，多所賜與，欲其瞻謝傾陪，以為歡笑。又刻木作靈秀父**光祿勳**叔獻像，送其家廳事。**柳元景**、**垣護之**並北人，而**玄謨**獨受「老僮」之目。凡所稱謂，四方書疏亦如之。嘗為**玄謨**作四時詩曰：「葦茶供春膳，栗漿充夏餐。鮑醬調秋菜，白醪解冬寒。」又寵一崑崙奴子，名白主。常在左右，令以杖擊群臣，自**柳元景**以下，皆罹其毒。

21 **玄謨**尋遷**平北將軍**、**徐州刺史**，加**都督**。時北土飢饉，乃散私穀十萬斛、牛千頭以振之。轉**領軍將軍**。

22 孝武崩，與**柳元景**等俱受顧命，以外**監事**委**玄謨**。時朝政多門，**玄謨**以嚴直不容，徙青、冀二州刺史，加**都督**。**少帝**既誅**顏師伯**、**柳元景**等，狂悖益甚，以**領軍**徵**玄謨**。子姪咸勸稱疾，**玄謨**曰：「吾受**先帝**厚恩，豈可畏禍苟免。」遂行。及至，屢表諫諍，又流涕請**緩刑**去殺，以安元元。**少帝**大怒。

23 **明帝**即位，禮遇甚優。時四方反叛，以**玄謨**為大統，領水軍南討，以腳疾，聽乘輿出入。尋除**車騎將軍**、**江州刺史**，副**司徒**建安王於赭圻，賜以**諸葛亮**笥袖鎧。頃之，為左**光祿大夫**、**開府儀同三司**，領**護軍**。遷南**豫州刺史**，加**都督**。**玄謨**性嚴剋少恩，而將軍**宗越**御下更苛酷，軍士謂之語曰：「寧作五年徒，不逢**王玄謨**。**玄謨**猶自可，**宗越**更殺我。」年八十一薨，諡曰莊公。子深早卒，深子續嗣。

24 史臣曰：**脩之**、**宗慤**，皆以將帥之材，懷廉潔之操，有足稱焉。**玄謨**雖苛剋少恩，然觀其大節，亦足為美。當**少帝**失道，多所殺戮，而能冒履不測，傾心輔弼，斯可謂忘身徇國者歟。

←075 卷七十五 列傳第三十五

目錄

077 卷七十七 列傳第三十七→



籍海淘浪是什么

「籍海淘浪」是一个将古籍中的专有名词标注出来，使文本更易读，并希望依靠大家的慧眼，将主题鲜明的片段摘录出来，让更多人发现古籍之「有料、有趣、有用」的平台。

一个已标注专词的古籍文本库：籍海淘浪定期发布精校、已标注专词的古籍，并提供划词字典、划词维基等工具。利用专词、词典、维基，读者无需注释、译文，即可比较流畅地阅读，不再有「瞻前顾后」、被干扰阅读的烦恼。

一个面向话题的笔记创作、分享社区：籍海淘浪提供了易用的工具，方便读者创作摘录笔记：拖选文本 + 点击「划线」按钮即可快速收藏文本片段；有所感时，只需拖选相应文本，填写标题、标签、评注，即可发布一篇主题摘录，并可在摘录页面与同好互动讨论。您还可导出自己的收藏和创作，留作方便温习、分享的笔记本。

以下功能仅线上版本可用

- 划词查字典、查维基；
- 点击专词，获取纪年、帝王、政权详情的历史信息面板；
- 全部关键词统计，关键词跳转、导航浏览；
- 片段收藏、做摘录笔记、主题讨论；
- 文档、段落热力标识，源出、衍生、事论等关系的文档网络；
- 个人阅读管家；
- 文本修订工具；
- 标注修订工具，可纠正标注的错、漏，并提交新标注；
- 全文繁简转换；
- 提交文档需求、功能需求、意见建议等；
- 更多待你发掘……

发现『有趣、有料、有用』的古籍



